

Da poi disnar, fo gran consejo. Et posto la parte per li consejeri di far et agregar al numero dil nostro mazor consejo l'illustre monsignor Louis de Lucemburg conte de Ligni et soi heriedi posteri legitimi, et have 2 non sincere, 22 di no, 1420 di si.

505* In questo consejo fu fato, in nome di misier Jesu Cristo, capitano zeneral di mar justa la parte, et rimase sier Marchio Trivixan era provedador zeneral in campo, homo marittimo stato *alias* vice zeneral, vene per scrutinio et do man di election; fu suo scontro sier Andrea Contarini el cavalier, q. sier Donado. El Trivixan have balote 1159, di no 193, et el Contarini 282, di no 1086.

84 *Scrutinio di capitano zeneral di mar.*

† Sier Marchio Trivixan, fo vice capitano zeneral di mar, q. sier Polo	119
Sier Polo Barbo, fo podestà a Padoa, q. sier Andrea	80
Sier Thomà Zen el cavalier, fo capitano di le nave armade	74
Sier Cosma Pasqualigo, fo governador di l'intrade	58
Sier Beneto da cha da Pexaro, fo consejer, q. sier Piero	47
Sier Hironimo Contarini, fo provedador in armada, q. sier Moisè	42
Sier Baldisera Trivixan, fo cao dil consejo di X, q. sier Polo	37
Sier Domenego Malipiero, fo provedador in armada, q. sier Francesco	36
Sier Nicolò Foscarini, savio dil consejo, q. sier Alvixe procurador	33
Sier Nicolò Liom, procurador	30
Sier Simon Guoro, el provedador in armada, q. sier Zusto	30
Sier Hirooimo Pixani, fo capitano a Bergamo, q. sier Piero	28
Sier Andrea Zanchani, è provedador zeneral in la Patria di Friul	26
Sier Domenego Bolani, è luogotenente in la Patria di Friul	18
Sier Andrea Contarini el proeurator, q. sier Donado	16

Da poi consejo, fo pregadi. Et fo expedito lettere *statim* in campo al capitano zeneral electo, *videlicet* posto per l'horo savii scriver a sier Polo Trivixan el cavalier podestà di Brexa vadi provedador in campo, et ditto sier Marchio se ne vegni qui su-

bito, et el primo pregadi sia electo un provedador in campo, con li modi lui fo electo: avè tutto il consejo.

Et per el principe fo referito, et poi fato lezer la relation, et proposta dil cardinal legato, hessendo perhò cazà li papalisti, et come el voleva Ferrara etc. Poi fo leto una exposition dil Dentize neapolitano, per nome di monsignor di Ligni, si offerisse tutto di la Signoria, vuol tuor l'impresa dil reame, et vol a dar a la Signoria che parte li piace, *unde* fu posto per li savii scriver a Zuam Dolze segretario nostro a Milan vadi da Monsignor di Ligni a interromper tal pratiche dil legato di Ferrara. *Item*, risponder al cardinal legato che hessendo nui collegati col re di Franza nulla volevamo risponder senza saputa di soa majestà in la materia di Ferrara, ma che presto sarà li 4 nostri oratori a Milan dal re, dove soa reverendissima signoria vol andar, et li traterano tal materie. Et ditta lettera et risposta avè tutto el consejo. *Item*, fo posto la risposta di dir a Piero Dentize ritorna a Ligni, fazi etc.

Non resterò di scriver, come il papa rasonando di le cosse dil Turcho disse in la soa exposition secreta: li electori de l'imperio sono ecclesiastici, et amici dil papa alcuni, et altri affini dil roy, il re di Hungaria farà quello vorà per causa dil matrimonio, et quel di Polana per la caxon di la lite ha col ducha di Moscovia suo fradelo, di la qual il papa è giudice, concluse il ducha di Valentinoes voria qualche stato in Italia, dimandò *etiam* Pexaro et di questo fo ordinà gran credenza.

Fu posto, prima fusse leto le lettere, parte per li 506 consejeri: che sier Thomà Zen el cavalier electo capitano di le galie grosse possi vegnir in pregadi non metendo balota fino el vadi via: ave 14 di no, et fu presa.

Da Feltre, di sier Marchio Barbaro podestà et capitano, di 14. Avisa come ha nova dal castelan di Schenek, li scrive haver, per uno stato in Alemaña, la pace esser fata tra il re di romani et sguizari, et era sta ordinato per quelli dil re in Primier si dovesse far 200 lanze, dubita di novità, per tanto richiede sia provisto a Feltre, etc.

Da Cremona, di sier Marco Antonio Morezzini el cavalier provedador zeneral et governador, data a di 23. Come l'illustre governador conte di Pitiano, et sier Marchio Trivixan provedador erano stati li, et *tandem* quel Francesco di Quarteri disse il castetan esser risolto, vol quel numero di danari, la mità li sia dato a Brexa, vol mandar un messo al signor Lodovico, et siali posto le bombarde per mo-